

ԳԵՊԻ ՄԵԾ ՀՈԿՏԵՄԲԵՐԻ 50-ԱՄՅԱԿԸ

Հ. Ս. ՄԵԼԻՔՅԱՆ

ԲԱՆԱԿԻ ՀԵՂԱՓՈԽԱԿԱՆ ՇԱՐԺՄԱՆ ՀԱՐՑԵՐԸ ԿՈՎԿԱՍՅԱՆ ԲՈՂՇԵՎԻԿՆԵՐԻ ԵՐԿՐԱՅԻՆ ԱՌԱՋԻՆ ՀԱՄԱԳՈՒՄԱՐՈՒՄ (ՀՈԿՏԵՄԲԵՐ 1917 Թ.)

Հեղափոխական շարժման ընդհանուր յլերելքի պայմաններում, Թիֆլիսում, 1917 թ. հոկտեմբերի 2-ին գումարվեց կովկասյան բոլշևիկների երկրային առաջին համագումարը: Այն հսկայական զեր խաղաղ երկրամասում և մասնավորապես կովկասյան բանակում բոլշևիկների գործունեության հետագա ակտիվացման և հեղափոխական շարժման ծաղկման գործում:

Համագումարի աշխատանքների լուսաբանմանը տարբեր առիթներով անդրադարձել են բոլոր այն պատմաբանները, որոնք վերադարձել են 1917 թ. կովկասյան բուռն իրադարձությունների գիտական մշակման հարցերով: Սակայն հարցը ներկա ասպեկտով ուսումնասիրվում է առաջին անգամ: Այդպիսի քննարկումը հնարավորություն է ընձեռում ոչ միայն ավելի ամբողջական ներկայություն համագումարը, այլև օգնում է պարզարանելու կովկասյան բանակում բոլշևիկների գործունեության առանձնահատկությունները, մասշտաբները, արդյունքները:

Երկրամասի և կովկասյան ռազմածակառնի գրեթե բոլոր հիմնական զինվորական օջախները ներկայացված էին համագումարում:

Կուսակցության անդամների ստույգ լիճակագրության բացակայությունը մեզ չէր կրկնում համագումարի շրջանում բանակային բոլշևիկների թիվը որոշակիորեն նշելու հնարավորությունից: Կարծում ենք, որ երկրային համագումարի նախօրյակին կովկասյան բանակում բոլշևիկների թիվը հասնում էր մոտ 8—9000-ի, այն ժամանակ, երբ Կովկասի բոլշևիկների ընդհանուր թիվը հասնում էր 12—13000-ի: Ամենազուսպ հաշվումները այն համոզման են բերում, որ միայն Անդրկովկասում և կովկասյան ռազմածակառնում բանակային բոլշևիկների թիվը 6000-ից պակաս չէր²: Կովկասի գլխավոր կենտրոններում, բացառությամբ Բաքվից, կուսակցական կազմակերպությունների բացարձակ մեծամասնությունը կազմված էր զինվորականներից: Այդպես էր դրությունը Թիֆլիսում, որի «զինվորական» բոլշևիկյան կազմակերպության մեջ, ինչպես վկայում էր Ս. Քավթառաձեն կուսակցության VI համագումարում ունեցած իր զեկուցումում, հաշվվում էր 2675 հոգի: Բաքվի 2500 բոլշևիկներից զինվորականներ

¹ Համագումարին նվիրված տոսեձին աշխատությամբ հանդես են եկել Ռ. Լ. Մախիսյանը (տե՛ս նրա «Կովկասյան բոլշևիկյան կազմակերպությունների երկրային առաջին համագումարը և Ստեփան Շահումյանը», Երևան, 1955), և Կ. Ի. Ուդումյանը (տե՛ս նրա «ՌՍԴԲՊ(ս) կովկասյան կազմակերպությունների համագումարը», Երևան, 1957):

² Այս թիվը կարիք ունի հետագա ճշգրտման:

կլիներին հավանաբար 6—700-ը: Գրողնու (1800 հոգի) և Վլադիկավկազի (2000 հոգի) բուլղերիկների թվում բանակային բուլղերիկները կազմում էին մոտ կեսը: Ալեքսանդրապոլի կազմակերպության 600 անդամներից ոչ պակաս 500-ը գին-վորականներ էին, Սարիղամիշի բուլղերիկյան կազմակերպությունը նույնպես բացարձակ գինվորական գերակշռություն ուներ: Նույնն էր դրությունը նաև Կարսում, Տրապիզոնում, Քութայիսում, Բաթումում, Ելիզավետպոլում և այլն: Դրան ավելանում էր նաև հուլիսյան իրադարձություններից հետո ապակազմ-ված և Կովկաս արտաքսված զորամասերի բուլղերիկ գինվորների թիվը: Սեպ-տեմբերին կասպիական ռազմական նավատորմում եղած բուլղերիկ նավաստի-ների թիվը հասնում էր 266-ի: Ընդարձակ ռազմաճակատում ցրված էին զգալի թվով բուլղերիկներ, որոնց ստույգ թիվը առայժմ պարզել հնարավոր չէ: Համե-նայն ղեկս, այն 7—800-ից պակաս չէր:

Համագումարը պետք է քննարկեր հետևյալ հարցերը. 1) ղեկուցում կու-սակցական համագումարի և կուսակցական կենտրոնի մասին, 2) ղեկուցում տեղերից, 3) ընթացիկ մոմենտը, 4) Սահմանադիր ժողովը, 5) ալգալին հարցը, 6) կուսակցական մամուլը, 7) ագրարային հարցը, 8) կազմակերպական հար-ցեր, 9) ընտրություններ, 10) տարրեր հարցեր: Բոլոր այդ հարցերը ուղղակի թե անուղղակի առնչվում էին ղեկավարության բանալում հեղափոխական աշխա-տանքների ընդլայնման ու խորացման, բուլղերիկների գործունեության ծավալ-ման հետ:

Յ. Մախարաձեի բացման խոսքին հաջորդում է Ս. Քավթառաձեի ինֆոր-մացիոն ղեկուցումը VI համագումարի մասին: Լենինյան դիրքերից գնահատե-լով հուլիսյան իրադարձությունները, ղեկուցողը նշում է, որ «հուլիսյան օրերը հիշեցրին ինկվիզիցիայի ժամանակները. ի դեպ ինկվիզիտորների և դահիանների դերը խաղացին էսեռա-մենշերիկյան առաջնորդները»³:

Համագումարը մեծ նշանակություն էր տալիս տեղական կազմակերպու-թյունների ներկայացուցիչների ղեկուցումներին: Կովկասի գրեթե բոլոր խոշոր գինվորական կենտրոնները ներկայացվեցին այդ ղեկուցումներում:

Թիֆլիսի բուլղերիկյան կազմակերպության աշխատանքը համագումարին ներկայացրեց Արկադի (Արշակ) Նապարի Աթաբեկյանը՝ երկրամասի փորձված, հմուտ կուսակցական գործիչներից մեկը:

Նա իր ելույթում նշեց, որ «Կոռնիլովշինյան շատերի աչքերը բացեց: Եվ այժմ մեր կուսակցությունը, որը բուրժուական հակահեղափոխության և պաշտ-պանողական կուսակցությունների կեղծիքի և զրպարտության համար թիրախ էր, քայլ առ քայլ նվաճում է մասսաների համակրանքը և իր շուրջը համախմ-բելով բանվորներին ու գինվորներին, նշանակալից դեր է սկսում խաղալ հաս-տատուն կերպով վերելք ապրող հեղափոխական շարժման ղեկավարման մեջ»⁴:

Ձինվորների և նավաստիների շրջանում Բալվի բուլղերիկների կատարած աշխատանքների մասին հունգամանորեն պատմեցին ականավոր բուլղերիկներ Դ. Ստուրուան և Բ. Չնելաձեն: Կուսակցության VI համագումարից հետո անմի-ջականորեն ձեռնամուխ լինելով գինված ապստամբության նախապատրաստ-

³ Ռազմական հարցի հետ անուղղակիորեն առնչվող մի շարք կարևորագույն հարցերի, մաս-նավորապես ընթացիկ մոմենտի, ագրարային և ալգալին հարցերի քննարկումը դուրս է ներկա հոգվածի խնդիրներից:

⁴ «Կազմակերպիկ տարոյի», N 166:

⁵ Նույն տեղում:

մանր, Բաքվի բոլշևիկները, լենինյան ցույցումներին համապատասխան, հռանգուն ջանքեր էին գործադրում ստեղծելու կարմիր դվարդիա: Քաղաքի 80 հազարանոց բանվորական մարտական ջոկատը, 18 հազարանոց կայազորը և մեծ թվով նավաստիներ կարմիր դվարդիայի բազան էին հանդիսանում: Կայազորը, որտեղ բոլշևիկների ազդեցությունը հատկապես ուժեղացավ կոռնիլովշինայից հետո, բանվորների և զինվորների պատգամավորների սովետում ուներ 250 ներկայացուցիչ: Բորիս Չնելաձեն, մասնավորապես կանգ առնելով կասպիական նավատորմի նավաստիների շրջանում բոլշևիկների գործունեության վրա, նշում էր, որ երկար ժամանակ էսեռների ազդեցության տակ գտնվող նավաստիները «կտրուկ կերպով հեռանում են» մանրբուրժուական դեմոկրատներից, որ նրանց շրջանում գործում էին 206 բոլշևիկներ⁶:

Կայազորում Բաքվի բոլշևիկների գործունեության ընդլայնմանն ու խորացմանը նպաստեց երկու հանգամանք. նախ այն, որ բոլշևիկները այստեղ Ստ. Շահումյանի գլխավորությամբ, առաջինը Կովկասում անջատվեցին մենշևիկներից, ստեղծեցին իրենց ինքնուրույն կազմակերպությունը, մամուլի իրենց օրգանները՝ «Բակինսկի ռաբոչի»-ն և «Սոցիալ-դեմոկրատ»-ը: Այնուհետև, նրանք հասան բանվորների և զինվորների սովետների միավորմանը, դրանով իսկ բոլշևիկների առաջադրած հեղափոխական լոզունգների շուրջը համախմբելով քաղաքի աշխատավորական ուժերին, ամրապնդելով բանվորների հետ զինվորական մասսաների դաշինքը:

Բաքվի պրոլետարական զորեղ շարժումն իր բարերար ազդեցությունն էր ունենում կայազորի վրա: Այդ տեսակետից առանձնապես նշանակալից էր Բաքվի բանվորների սեպտեմբերյան հզոր գործադուլը, որը երկրում նախահեղափոխական շրջանի առավել նշանավոր պրոլետարական ելույթներից մեկը, որը վերջացավ ձեռնարկատերերի հետ կոլեկտիվ պայմանագրի կնքմամբ:

Ալեքսանդրապոլի ներկայացուցիչ Պ. Արվելաձեի ղեկուցմանը մենք չենք հանդիպել լրագրային համառոտ հաշվետվություններում: Սակայն Արվելաձեն, որպես համընդհանուր ճանաչում գտած հեղափոխական կայազորի ներկայացուցիչ, բազմիցս հանդես է եկել համապումարում, իր ելույթներում դրսևորելով կայազորի բոլշևիկյան տրամադրությունները: Պետք է նկատել, որ կովկասյան բոլշևիկները ընդհանրապես մեծ ուշադրություն էին նվիրում Ալեքսանդրապոլին: Թերևս դրա ապացույցներից մեկն այն էր, որ համագումարից անմիջապես հետո, Արվելաձեի հետ միասին, Ստ. Շահումյանը մեկնեց Ալեքսանդրապոլ՝ ծանոթանալու բազմահազարանոց կայազորի տրամադրություններին, օգնելու տեղական բոլշևիկներին, նվաճելու կայազորը, այն դարձնելու երկրամասում հնարավոր զինված ապստամբության հարվածային բռնցքներից մեկը: Կարևոր էր համարվում հատկապես այն հանգամանքը, որ Ալեքսանդրապոլի կայազորը Թիֆլիսին համեմատաբար մոտ գտնվող առավել զորեղ բոլշևիկացած կայազորն էր:

Կարսի բոլշևիկների ներկայացուցիչ Ս. Սկարյուկինը նշելով, որ այնտեղ գործում է միասնական սոցիալ-դեմոկրատական կազմակերպություն, միաժամանակ տեղեկացնում է, որ կոռնիլովյան խռովության չախջախումից հետո ստեղծված բարենպաստ մթնոլորտում բոլշևիկների ազդեցությունը որոշա-

6 Տե՛ս նույն տեղում, N 158:

կիրորեն ուժեղացել է, որ սովելի ու ավելի է հասունանում անջատման և ինքնուրույն բոլշևիկյան կազմակերպության ստեղծման տենդենցը:

Պարզվում է, որ Կարսում ստացվում էին բոլշևիկյան «Կավկասկի ուսրոշի» և «Բրձուլա» թերթերը, մեծ քանակությամբ տարածվում էր կուսակցական-բոլշևիկյան գրականություն⁷: Կարսի բազմահազարանոց կայազորում էսենները արգեն կորցրել էին իրենց երբեմնի տիրապետությունը:

Սաբիդամիշի բոլշևիկների ներկայացուցիչ Կիասովը հույս էր հայտնում, որ բոլշևիկների հեղինակության արագ տճը կարող է սովետի վերընտրությունների ժամանակ բոլշևիկների համար ապահովել ղեկի տեղեր: Սաբիդամիշում ևս բոլշևիկները մենշևիկների հետ միասին մի կազմակերպության մեջ էին: Սակայն հաշվի առնելով կոռնիլովշինայից հետո կատարված դասակարգային տեղաշարժերը, նա ասում էր, որ «պառակտումը անխուսափելի է»⁸: Իսոթ, բալամթիվ փաստեր խոսում են այն մասին, որ Սաբիդամիշի բոլշևիկները Ստ. Ալահվերդյանի ղեկավարությամբ գործնականում հանդես էին գալիս որպես խնդիր ունեցող կազմակերպության անդամներ, անհամեմատ ակտիվացնելով իրենց գործունեությունը կայազորում: Կայազորը նվաճելու գործում հսկայական դեր խաղաց սեպտեմբեր-հոկտեմբեր ամիսներին ռուսերեն լեզվով լույս տեսած «Սոցիալ-դեմոկրատ» թերթը, որը լայնորեն տարածվում էր ղինվորների մեջ:

Համագումարում Տրապիզոնի հեղափոխական կայազորն էր ներկայացնում Հայկ Հովսեփյանը, որը հանգամանորեն վերլուծեց տեղի բոլշևիկների գործունեությունը ցարիզմի տապալումից հետո: Փետրվարյան հեղափոխությունը Տրապիզոնում ընդունվեց ցնծությամբ: Սակայն այստեղի սովետում ևս երկար ժամանակ իշխում էին էսենները: Սկզբնական շրջանում սոցիալ-դեմոկրատիան բավականաչափ անկազմակերպ էր հանդես գալիս: Ուշագրավ է, որ այստեղ բոլշևիկների դեմ էսենների պայքարը տրագիկոն, համառուսաստանյան ձևերի հետ մեկտեղ ուներ նաև իր յուրահատկությունը: Դա այն էր, որ էսենները բոլշևիկներին ներկայացնում էին որպես «բուրժուական» կուսակցություն և օգտվելով ղինվորների քաղաքական հետամնացությունից, պատերազմից զայրացած ղինվորների մի մասին հանում էին բոլշևիկների դեմ: Տրապիզոնում և նրա շրջանում էսենները երկար ժամանակ մեծ ազդեցություն ունեին: Նրանք մեծամասնություն էին կազմում սովետում, հրատարակում էին իրենց «Վոեննի լիստոկ» թերթը, որը «ոչ միայն բացահայտորեն հալածում էր բոլշևիկներին, այլև հեղափոխության հիմնական հարցերում զրավում էր «Ռուսսկոյե սլովո»-ից⁹ ոչ լավ ղիրք»¹⁰: Հունիսյան հարձակման ժամանակ էսենական սովետի գործկոմը պաշտպանելով կովկասյան բանակի ռեակցիոն հրամանատարությանը, ժամանակավոր կառավարությանը, պայքարում էր բոլշևիկների հակապատերազմական ելույթների դեմ: Այդ շրջանում շատ բոլշևիկներ կոռնիլովշին սովետ և հարցաքննվեցին: Հուլիսյան իրադարձություններից հետո բոլշևիկների պրությունը շատ ավելի ծանրացավ: Փոստը սեղ չէր հասնում: Բոլշևիկյան զրականությունն ու մամուլը փականքի տակ էին: Այն ստացվում և համաձայնողական պարագլուխների կամքով ոչնչացվում էր: «Մենք

7 «Կավկասկի ուսրոշի», N° 169, 10 հոկտեմբերի, 1917 թ.:

8 Նույն տեղում:

9 Ռեակցիոն մամուլի օրդաններից մեկը:

10 «Կավկասկի ուսրոշի», N° 169:

սնվում էինք կոստների մարսած ու դուրս տված հուզական սնունդով» — ասում էր Հ. Հովսեփյանը¹¹։ Մ. Բ. Լևինի. Մ. Գորկու և մի շարք ակադեմիկոսների դեմ ունեցած դժգոհությունը, մասնավորապես Բուրգենի զրպարտությունից հետո, հեղափոխական կենտրոններից հեռու ընկած Տրապիզոնում, բուլշևիկների շուրջը շարունակյալ սև մթնոլորտ ստեղծվեց։ Այդ ալն Բուրգեն էր, որի «լրտեսական» մեղադրանքների դեմ Մ. Գորկին գրեց՝ «Թշվառ մարդուկ. դուք չէ, որ պիտի դատեք ինձ. ես 25 տարի երգել եմ իմ հայրենիքը, իսկ հայրենիքը դա ժողովուրդն է»։

Կոռնիլովշինայի ջախջախումը Տրապիզոնում ևս բացեց զինվորական մասսաների աչքերը։ Դժվար չէր համոզվել, որ բուլշևիկները ճիշտ էին գուշակում իրադարձությունների զարգացումը, պաշտպանողականների դավաճանությունը։ «Կոռնիլովյան օրերը, — նշում էր Հովսեփյանը, — փոխեցին զորքերի տրամադրությունը մեր օգտին։ Անգամ կսեռների պաշտպանողական առաջնորդները դիմեցին մեր օգնությանը և պատասխանատու պոստերում որպես կոմիսարներ նշանակվեցին մեր ընկերները։

Մասսաները երես դարձրեցին էսեռներից։ Զինվորական մասսաները եկան դեպի մեր կազմակերպությունները»¹²։

Տրապիզոնի բուլշևիկները այլ ինտերնացիոնալիստների հետ մեկտեղ հրատարակում էին «Илаш пуръ» թերթը։ Այն լույս էր տեսնում շաբաթը 2 անգամ, երկու հազար օրինակ տպաքանակով և, Հովսեփյանի վկայությամբ, «ավելի ու ավելի էր գրավում զինվորական մասսաների համակրանքը»։ Բուլշևիկները ձգտում էին միջոցներ գտնել թերթը ամենօրյա դարձնելու համար։ Եվ եթե այդ հաջողվեր, ապա, ինչպես ասում էր Հովսեփյանը, այն ժամանակ «վստահություն» կարելի է ասել, որ մենք կդնքսենք էսեռական «Լիստոկ»-ին»։

Այստեղ ևս բուլշևիկները մենշևիկների հետ մի կազմակերպության մեջ էին։ Այդ միասնությունը ինչ-որ սպեցիֆիկ գծեր ուներ։ Հովսեփյանը վկայում է, որ մինչև կոռնիլովշինայի «մեր մենշևիկները միշտ սովետի նիստում հանդես են եկել բուլշևիկների պաշտպանությամբ»¹³։ Դա թերևս բացատրվում էր նրանց չափազանց փոքրաթիվ, մի տեսակ «անպաշտպան» լինելով, ինչպես նաև էսեռականության առավել շեշտված աջ դիրքով։ Սակայն նա ճիշտ էր ներկատում, որ մենշևիկների հետ միևնույն կազմակերպության մեջ լինելը, անկասկած, «թուլացնում էր հետևողական բուլշևիզմը», բայց և կոնկրետ միջավայրում զսպում էր նրանց պաշտպանողականությունը, ինչ-որ չափով նրանց ետ էր պահում համաձայնողականությունից։ Բուլշևիկների ունեցած ազդեցությունը շարքային մենշևիկներին մղում էր պեպի բուլշևիզմ։ Հովսեփյանը նկատում է, որ «պառակտումը հասունանում է, բայց մենք չենք ցանկանում առաջ տնցնել իրադարձություններից։ Քույլ առ քույլ կազմակերպությունը դառնում է բուլշևիկյան։ Կուսակցական ժողովում ընդունված «իշխանությունը սովետներին» լուրջագր, առանց մեր կողմից որևէ ճնշման, աջակցություն կգտնի մասսաների կողմից»¹⁴։

¹¹ Նույն տեղում։

¹² Նույն տեղում։

¹³ Նույն տեղում։

¹⁴ Նույն տեղում։

նյիզավետությունի բուշնիկներն զեկավար Ա. Մուսվաթն իր զեկուցման մեջ նշում էր այն կարևոր փաստը, որ զեռես իոնիսի սկզբներին ս.-գ. կազմակերպությունը պատակտվեց. Փոքրաթիվ մենշնիկները հեռացան նրանից: Դավարին պայքարում, քաղաքային դումայի բնորոշությունների ժամանակ, դաշնականների, էսեռների ու մենշնիկների և այլոց դեմ հանդես գալով, բուշնիկները նվաճեցին 1200 ձայն և դումայում 3 տեղ զբաղեցին: Ինչ վերաբերում էր կապադոքին, ապա Մուսվաթն այն կարծիքն էր հայտնում, որ «կապադոքի տրամադրությունը բուշնիկների օգտին է. կարելի է ընդլայնել աշխատանքը»¹⁵:

Այլ վայրերի ներկայացուցիչների զեկուցումներից տեղեկանում ենք, որ Տուալիսեում, շնայած ս.-գ. կազմակերպությունը միացյալ էր, բայց իշխում էին բուշնիկները, որ այնտեղ ևս ստեղծվում էր կարմիր զվարդիա, որի կազմում արդեն ցուցակագրվել էին 100 հոգի¹⁶: Բալթումի բուշնիկական և զինվորական սովետում բուշնիկները ունեին 15 տեղ: «Մարտյան սոցիալիստները», հատկապես էսեռները, զեռես տիրապետող էին, բայց ս.-գ. կազմակերպությունը աճում էր¹⁷: Դժվարին դրություն էր ստեղծվել Եկատերինոդարում, որտեղ բուշնիկները գործում էին «կազակության ատելությունը պայմաններում»: Կոռնիլովյան դավադրությունից հետո հակահեղափոխությունն այստեղ ավելի էր կատիվացել: Սակայն նկատելի էր նաև հակառակ պրոցեսը: Ուշագրավ է, որ մոնիցիպալ բնորոշությունների շրջանում այստեղ բուշնիկները քաղաքային դումայում նվաճեցին 16 տեղ: Ողջ Հյուսիսային Կովկասում բուշնիկներին, նրանց համակրող զինվորական մասնաներին հաջողվեց մեկուսացնել հակահեղափոխական սպայության կողմից հրահրվող ելույթները և ձերբակալել շատ կոռնիլովական սպաների: Կազակությունը ինքը ևս պառակտվում էր: Աշխատավոր կազակները հեռանում էին միացյալ-կազակային մտայնությունից, գնում էին զեպի բուշնիզմ: Կիսլովոդսկի պատգամավոր հիգատները նշում էր, որ բուշնիկների ազդեցությունը զգալի չափով աճել է: Գուբի բուշնիկների ներկայացուցիչ Ավակովը զեկուցում էր, որ այնտեղ բուշնիկները ստեղծել են իրենց ինքնուրույն կազմակերպությունը: Նրանց հեղինակության աճմանը ուղեկցում էր էսեռա-մենշնիկյան կուսակցությունների հեղինակավորումը:

Համագումարում փայլուն ելույթ ունեցավ հուլիսյան իրադարձություններից հետո վերակազմված և կովկասյան ռադմաճակատ արտաքսված պետրոգրադյան I-ին զնդագրային բուշնիկյան զնդի զինվոր Գերվադի Կիվկուցանը: Նա հանդես է գալիս հիշյալ զնդի Կովկասում գտնվող բուշնիկների և նրանց հետևող հազարավոր զինվորների տնունից: Կովկաս հասնելուն պես Գ. Կիվկուցանի անունը հայտնի դարձավ զինվորներին: Նա հաճախակի հանդես էր գալիս «Կավկազսկի ռաբոչի»-ի էջերում, զրում էր բանաստեղծություններ, կրակոտ շնչով լի հողվածներ, կովկասյան բանակին էր փոխանցում հեղափոխության օրրանի՝ Պետրոգրադի բանվորների և զինվորների պայքարի փորձը: Համագումարում ունեցած իր ելույթում նա դնում է բանակում բուշնիկյան կուսակցական կազմակերպությունների ստեղծման անհրաժեշտության հարցը: Նա համաճշտում էր պատմում է Պետրոգրադում հուլիսյան օրերի իրականությունը, որպես բուռն իրադարձությունների անմիջական մասնակից, նա զայ-

¹⁵ Նույն տեղում, N 163.

¹⁶ Տե՛ս նույն տեղում.

¹⁷ Տե՛ս նույն տեղում.

բուլլիսով է մերժում բոլոր այն սուտն ու հերյուրանքը, թե իբր հեղափոխական զինվորներն են առաջինը կրակել, «քաղաքացիական պատերազմ սկսել»։ Նույնատարափուն հաղարարվող զինվորների անունից հավաստիացնում էր կովկասյան բոլշևիկների համաժողովին. որ իրենք պատրաստ են ծառայելու պրոլետարական հեղափոխությանը։

Իր ելույթում Կիլկուցանն ասում էր. «ես հայտարարում եմ, որ ուր էլ որ մեղ նեախ ճակատագրեր, մենք սրբություն կպահենք պրոլետարիատին երբևէ չզավաճանելու մեր երդումը և ինչպիսի վտանգ էլ ուղում է լինի անվախ կպաշտպանենք հեղափոխական սոցիալ-դեմոկրատիայի սուրբ գործը»¹⁸։

Բանվորների և զինվորների պատգամավորների սովետներում բոլշևիկյան ֆրակցիաների առաջացման ու նրանց գործունեության մասին համագումարին ղեկուցեց Թիֆլիսի սովետի բոլշևիկյան ֆրակցիայի ղեկավար Ն. Մ. Կուլենցովը։

Վերլուծելով կոռնիլովյան օրերից հետո կենտրոնական և այլ սովետներում ստեղծված դրությունը, կուսակցական պայքարի նոր էտապը, Կուլենցովը այն ուշագրավ դիտողությունն էր անում, որ «Այդ օրերին սովետների կառավարող կուսակցությունները գլուխները կորցրին ու թեկուզև առերես, ժամանակավորապես հանձնեցին իրենց դիրքերի մի մասը»¹⁹։ Դրանք հիմնականում հանգում էին. 1) Թիֆլիսի սովետը (մեր ուղղումներով հանդերձ) իշխանության հարցում հանդես եկավ ընդդեմ կոալիցիայի, 2) սովետների ճնշող մեծամասնությունը դեմ արտահայտվեց մահապատժին, 3) ընդունեց բոլշևիկների առաջարկը՝ հակահեղափոխության դեմ պայքարի նպատակով «ստեղծելու բանվորական միլիցիա»²⁰։

Համագումարում բանակի համար մղվող պայքարը սերտորեն առնչվեց նաև Սահմանադիր ժողովի վերաբերյալ հարցի քննարկման հետ։ Նկատի ունենալով հարցի հրատապ լինելը, համագումարի բացման նախորդ օրը ՌՍԴԲԿ Թիֆլիսի բոլշևիկյան կոմիտեն, համագումարի պատգամավորների հետ միասին, որոշեց այդ հարցը և Գ. Կորգանովի հարակից ղեկուցումը լսել համագումարի աշխատանքների սկզբում²¹։ Այդ հարցում համագումարի ճնշող մեծամասնությունը պաշտպանում էր լենինյան տեսակետը, այն է. օգտագործել նախընտրական կամպանիան՝ մասսաներին պարզաբանել բոլշևիկյան ծրագրերը, մերկացնել համաձայնողական կուսակցություններին, նպատակավոր առիթը բաց չթողնել մասսաներին զինված ապստամբության կազմակերպելու համար։

Բոլշևիկները բնավ էլ մեծ հույսեր չէին կապում Սահմանադիր ժողովի հետ։ Մինչև հուլիսյան իրադարձությունները նրանք պաշտպանում էին խաղաղ ճանապարհով մամուլից իշխանությունը սովետներին անցնելու գաղափարը, սովետները հենարան ծառայեցնելու պրոլետարիատի ղեկատարության հաղթանակին հասնելու համար։ Կոռնիլովչիկայից հետո նրանք իշխանության նվաճումը կապում էին հաղթական զինված ապստամբության միջոցով մամուլից իշխանությունը բոլշևիկյան սովետներին հանձնելու հետ։ Համագումարում, Շահումյանը պաշտպանելով երկրամասում Սահմանադիր ժողովի նախընտրական կամ-

18 ՏԵՍ նույն տեղում, N 169։

19 Նույն տեղում։

20 Նույն տեղում։

21 ՏԵՍ «Կովկասյան ռաբոչի», N 163։

սլանիային բուլղերիկների տակտիվ մտանդակային տեսակետը, զրել է, «Կհրա-
վիրվի Սահմանադիր ժողով թե ոչ, այն կարող է կանգնել բաղադրացիական սլա-
տերադմի փաստի առաջ: Սեր ծրագիրը լայնորեն ծավալելու նպատակով մենք
պետք է օգտագործենք ընտրական կամպանիան»²²:

Բանակային բուլղերիկներից Ալեքսանդրապոլի կայազորի ներկայացուցիչ
Պ. Արվելաձեն, պահանջելով լուրջ ուշադրություն նվիրել Սահմանադիր ժողովի
նախընտրական կամպանիային, ասում էր. «մեր խնդիրն է նախընտրական
կամպանիայի ժամանակ մասսաներին կազմակերպել հեղափոխական պրոլե-
տարիատի դրոշի շուրջը և անողորմաբար պայքարել մենշեիկների և էսենների
մանրբուրժուական սլաշերանքների դեմ»²³:

Սահմանադիր ժողովի հարցի առնչությամբ կովկասյան բանակում բուլղե-
րիկների գործունեության մասին հարակից ղեկուցմամբ հանդես եկավ Գր. Կոր-
զանովը: Նրա այդ ղեկուցումը, ագրարային հարցի առթիվ նրա ելույթների հետ
մեկտեղ, բացառիկ կարևոր նշանակություն ունեն կովկասյան ռազմաճակա-
տում կոռնիլովշինայից հետո ստեղծված դրությունը հասկանալու, բանակում
բուլղերիկների գործունեության դժվարությունները և նրանց առաջ կանգնած նոր
խնդիրները բմբռնելու տեսակետից: Դա փաստորեն հաշվետվություն էր տրված
համագումարին՝ կովկասյան բանակում բուլղերիկների գործունեության վերա-
բերյալ: «Ջինվորների տրամադրության մեջ, — ասում էր Կորզանովը, — նկատ-
վում է ս.-դ. բուլղերիկների համար նպաստավոր ուժեղ բեկում: Ջինվորները մաս-
սայաբար սկսում են հրաժարվել էսենների, մենշեիկների համաձայնողական
տակտիկայի պատրանքներից. ղինվորները հեռանում են նրանց կուսակցու-
թյունների շարքերից, հեղափոխական տրամադրությունները ուժեղանում են.
մասսաները տարերայնորեն գալիս են դեպի ս.-դ. բուլղերիկների հեղափոխական
տակտիկան»²⁴: Նա ուշադրություն էր հրավիրում այն բանի վրա, որ ղինվո-
րական մասսաների բուլղերիկացմանը զուգընթաց չի թուլանում ռեակցիան բա-
նակում: Այնպես. «բարձր հրամկազմը բոլորը հակահեղափոխականներ են,
կոռնիլովականներ. սպայական կազմը առավելապես կադետներ են, մի մասը
էսեններ, (նրանց) համակրողներ և մենշեիկներ: Ռազմաճակատում բուլղերի-
կները ձերբակալվում էին. մի մասը դատի է տրվել. բանակի երկրային սովետը
բանակի հրամանատարի հետ միասին մի ընդհանուր քաղաքականություն է
վարում: Բուլղերիկյան մամուլը և խոսքը հետապնդվում են. «Կավկազսկի ռա-
բոչի»-ն ոչնչացվում և թույլ չի տրվում դեպի բանակ, անգամ մերձթիկունքու-
յին կետերը»²⁵:

Ռազմաճակատի տարբեր հատվածներից գրված ղինվորական նամակները
ևս հաստատում էին Կորզանովի փաստարկումներն ու հետևությունները: Այդ
կարգի փաստաթղթերից դիմենք միայն մեկին: Ռեշտից (Պարսկաստան) Ա. Կա-
շանովը, Պետրոգրադ իրենց տուն հասցեագրած նամակում սլաշույես էր ներկա-
յացնում սեպտեմբեր-հոկտեմբերին բուլղերիկների նկատմամբ կիրառվող հա-
լածանքը, որի մեջ բնավ երկրորդական դեր չունեին էսեններն ու մենշեիկները:
«Վոմիտենները... սկսել են պաշտպանել արյունախումներին: Թերթեր ստացվում

22 Ս տ. Շահումյան, Երկեր, հ. 2, Երևան, 1957, էջ 514:

23 «Կավկազսկի ռաբոչի», № 170:

24 Նույն տեղում, № 169:

25 Նույն տեղում:

են միայն բուրժուական՝ «Գոլոս կրակավոր Սովետա» անվամբ. ուրիշ որեւէ թերթ չեն թույլատրում: Նախկինում ստացվում էին և Մոսկովյան, և Բարվի (թերթեր — Ն. Մ.), իսկ այժմ էլ չեն գալիս: Բոլշևիկների ծրագիրը ոչ մի կերպ չի կարելի ձեռք բերել. կոմիտեները համոզում են, որ նրանք քաղաքական ծրագիր չունեն. ողջ կոմիտեն մենշևիկյան է. ահա և քեզ կարգ. ով ինչ, ով ինչպես կարող է և ով ինչ ցանկանա: Այդ պատճառով էլ շատ դժվար է»²⁶:

Այսպես էր դրությունը կոլկասյան ռազմաճակատում Սահմանադիր ժողովի նախընտրական կամպանիայի շրջանում: Կորգանովը, այդ ամենը հաշվի առնելով, միանգամայն ճիշտ էր գուշակում, որ «այդպիսի պայմաններում ռազմաճակատում, նախընտրական ժամանակաշրջանում պետք է սպասել բոլշևիկների ագիտացիայի ազդեցության սահմանափակումներ և կծկումներ, մանավանդ որ բանակի հրամանատարին, կոմիսարին և բանակային կոմիտեներին (մի շարք ղորամասերի կողմից բոլկոտի ենթարկվող) իրավունք է վերապահված ժողովների հրավիրման կարգ սահմանել: Այնպիսի, պետք է սպասել ընտրական կանոնների ամենախորը խախտումներ, անգամ նողկալի մեքենայություններ կուսակցական ընտրական փաստաթղթերի և թեկնածուական ցուցակների նկատմամբ»²⁷: Եվ եթե մենք ցանկանում ենք օբյեկտիվորեն գնահատել Սահմանադիր ժողովի ընտրությունների արդյունքները՝ Կոլկասում և մասնավորապես կոլկասյան բանակում, ապա չի կարելի անտարբեր անցնել Կորգանովի այդ կանխազգացումների կողքից:

Վերահիշյալից ելնելով էլ Կորգանովը նշում էր, որ նախընտրական կամպանիայի շրջանում չի կարելի հույս դնել ճակատային և այլ ընտրական հանձնաժողովների վրա, որ այդ պատճառով էլ անհրաժեշտ է ստեղծել ինքնուրույն ընտրական հանձնաժողով, որպեսզի հրամանատարությունից, երկրային սովետից, էսեռա-մենշևիկյան կուսակցություններից անկախ ռազմաճակատում հաջողությամբ տարվի ընտրական կամպանիան, նախապատրաստվեն անհրաժեշտ բոլոր նյութերը, ժամանակին դրանք ուղարկվեն ռազմաճակատ: Այդ նրա պատակին անմիջականորեն պետք է ծառայեն ագիտացիոն դասընթացները: Նրանց ունենդիրների միջոցով անմիջականորեն ռազմաճակատ պետք է ուղարկվի նախընտրական և ընդհանրապես կուսակցական գրականություն: Եվ որքան հնարավոր է այդ գրականությունը պետք է շատ լինի: Զորամասերում գործող բոլշևիկների առաջ խնդիր էր դրվում մյուս կուսակցությունների նման հասնել նրան, որպեսզի տվյալ զորամասի տնտեսական միջոցների հաշվին հատկացումներ կատարվեն հոգուտ բոլշևիկյան ագիտացիայի: Հաշվի էր առնելում նաև, որ դինվորները իրենք ևս նյութապես կաջակցեն բոլշևիկներին:

Կորգանովը պահանջում էր բոլշևիկյան մոմուլի օրգաններում պարզաբանել ընտրությունների կարգը, Սահմանադիր ժողովի հետ կապված քաղաքական հարցերը, տարբեր կուսակցությունների ակնկալությունները նրանից, նրա շուրջը ծավալվող դասակարգային պայքարի իմաստը և այլն: Ուշագրավ էր Կորգանովի այն հարցադրումը, որ պետք է աջակցել դինվորների այն պահանջին, որպեսզի մինչև ընտրությունները ագիտացիոն նպատակներով գլուղ ուղարկվեն դիտակից դինվորները: Զինվորները ռազմաճակատում հաճախ բոլ-

26 ԿՊՌՊԱ (Կենտրոնական պետական ռազմա-պատմական արխիվ), ֆ. 1300, ց. 1, գ. 99, 2-րդ մաս, թ. 765:

27 «Կավկասկի ուսույի», № 169:

շեկիներին հարցնում էին. «ինչ անել, եթե Սահմանադիր ժողովի կազմը հակաժողովրդական լինի»: Գուսակցության լենինյան դժին լիզվին համապատասխան, Կորգանովը ասում էր, որ նման դինոթրներին «մենք՝ բոլշևիկներս պատասխանում էինք, որ այդ դեպքում նոր հեղափոխությունը անխուսափելի է»²⁸; Կորգանովը նույնպես այն տեսակետն էր պաշտպանում, որ Սահմանադիր ժողովի հարցին պետք է մոտենալ հեղափոխության շահերի տեսանկյունից, որ պետք չէ պատրանքներ տարածել, թե իբր ողջ պայքարը տարվում է հանուն նրա, և որ Սահմանադիր ժողովը իրոք ի վիճակի կլինի լուծելու ժամանակի կենսական հարցերը: Նա պահանջում էր ակտիվացնել սովետների՝ «հեղափոխության հենարանների» գործունեությունը:

Համագումարում Կորգանովը ծավալեց երկրային սովետի զուգունեության սուր քննադատություն: Նա նշում էր, որ «գերամասերը արդեն պահանջում են բանակային համագումարի հրավիրում. նրանք բացահայտորեն չեն վստահում էսենա-մենշևիկյան երկրային սովետին»²⁹; Համագումարի անունից պահանջվում էր անհապաղ հրավիրել բանակային երկրորդ համագումար, որը «միակն է, որ կարող է երաշխավորել նախընտրական ժամանակաշրջանում ադիտացիայի անհրաժեշտ ազատություն»: Ելնելով բանակի բոլշևիկացման բուռն պրոցեսից, որը հատկապես խորացավ կոռնիլովյան դավադրության ձախողումից հետո, Կորգանովը, բանակի ու երկրամասի այլ աչքի ընկնող բոլշևիկ գործիչները, արգարացիորեն կարծում էին, որ նորմալ ընտրությունների պայմաններում, բանակային սպասվող համագումարում բոլշևիկները ձեռք կբերեն կայուն մեծամասնություն: Այդ էին վկայում բանակի բոլշևիկացման պրոցեսի խորացմանը վերաբերող բազմաթիվ փաստերը ինչպես թիկունքային զորամասերում, այնպես էլ ռազմաճակատում:

Առաջարկվում էր պահանջել երկրային սովետից անհապաղ և վճռական միջոցներ ձեռք առնել կանխելու այն հալածանքը, որը հուլիսյան իրադարձություններից ի վեր կիրառվում էր բոլշևիկների, նրանց համակրողների, մամուլի ու գրականության նկատմամբ: Ամբողջ սրությամբ գրվում էր «Կավկասի ռաբոչի»-ի վրա գրված արգելքը վերացնելու պահանջը:

Կորգանովը և համագումարի պատգամավորները լավ գիտեին, որ «մամուլի ազատության նոր դահլիճները»՝ Լսեններն ու մենշևիկները չեն իրադրոծի այդ պահանջը: Դա սոսկ մերկացնող նպատակ էր հետապնդում: Զի կարելի համաձայնվել ումանց այն տեսակետի հետ, թե երկրային սովետին ներկայացված նման պահանջը «ինքնախաբեություն էր... ոչինչ չարժեցող թուղթ»³⁰: Այդ ասվում է, կարծես մոռանալով այն, որ Կորգանովը, լիովին բացահայտելով երկրային սովետի դավաճանությունը, նրա և կոռնիլովյան բարձրագույն հրամանատարության կամքի միասնությունը, նշում էր, որ միայն բանակային համագումարին կարելի կլինի վստահել տեսնք Սահմանադիր ժողովի նախընտրական կամպանիայի անադարտությունը: Մոռացվում էր նաև այն, որ բոլշևիկների համագումարը պահանջում էր հակառակ երկրային սովետի դժի, նրա իսկ գլխի վրայով նախապատրաստել բանակային երկրորդ համագումարի հրավիրումը, տեղերում անողորձարար մերկացնելով էսենա-մենշևիկյան դավաճաններին:

²⁸ Նույն տեղում:

²⁹ Նույն տեղում:

³⁰ См. М. В. Перцевадзе, Революционное движение в Грузии в 1914—1917 годах, Тбилиси, 1960, т. 237:

Սկզբունքային նշանակություն ունեին Կորզանովի զեկուցման մեջ առաջադրված թեզիսները՝ կովկասյան բանակում բոլշևիկյան ինֆնուրուն կազմակերպությունների ստեղծման վերաբերյալ: Կովկասյան բանակում բոլշևիկյան կազմակերպությունների ստեղծումը մինչև հոկտեմբեր հետաձգելը կովկասյան բոլշևիկների լուրջ սխալն էր: Հյուսիսային, Արևմտյան և այլ ռազմաճակատներում այդպիսի կազմակերպություններ ստեղծվեցին ցարիզմի տապալումից անմիջապես հետո: Այդ փաստը ինքնին նշանակում էր խզում համաձայնողականությունից, աշատպանողականությունից: Կովկասյան բոլշևիկները զինվորական կուսակցական կազմակերպությունների ստեղծման հնարավորությունը ձեռքից բաց թողնելն սկսած բանակային 1-ին համագումարից՝ բռնակում ղեկավարվեցին էսեռա-մենշևիկյան կուսակցությունների կամքին, իսկ հետագայում չհամարձակվեցին «դրժել» իրենց խոստումը: Նրանց այդպիսի սխալ վարքագիծը, ըստ էության, համընկավ Օդակովի ցանկությունների հետ: Հիշենք, որ ժամանակավոր կառավարություն այդ տնդրկովկասյան օրգանք իր առաջին կոչերից մեկում պահանջում էր. «բոլոր ուժերով մենք պետք է աջակցենք մեր բանակի միասնությանը, թույլ չտալով, որ նրա մեջ կազմվեն ուսանձին գինավորական կազմակերպություններ կուսակցական կամ ազգային հողի վրա: Հիշենք, քաղաքացիներ, որ գործի ուժը նրա միության մեջ է»³¹: Էսեռներին ու մենշևիկներին ինչ-որ չափով այդ հարցում հաջողվեց բոլշևիկներին ծուղակի մեջ զցել համագումարում, նրանցից երաշխիք ստանալ, որ կուսակցական կազմակերպություններ չեն ստեղծի, այնինչ իրենք ազատորեն սկսեցին գործել, անարգել տարածեցին իրենց մամուլն ու գրականությունը, ստեղծեցին իրենց գինավորական կազմակերպությունները:

Այժմ բոլշևիկների երկրային համագումարը ուղղում էր նախկին սխալը: Այդ ուղղությամբ որպես գործնական ծրագիր Կորզանովը նշում էր, որ «բոլոր բնկեր բոլշևիկները, որոնք ռազմաճակատում մտնում են մենշևիկների հետ միացյալ կազմակերպությունների մեջ, պետք է իսկույնեթ պառակտվեն նրանցից, ստեղծեն ինքնուրույն կազմակերպություններ... Անհրաժեշտ է կուսակցական ռազմական կազմակերպությունների համագումարի անհապաղ հրավիրում՝ այդ կազմակերպությունների ամրապնդման և ընդլայնման համար...»³²:

Ննթադրվում էր համագումարը հրավիրել հոկտեմբերի 17-ին: Համագումարում պետք է հաստատման ներկայացվեր կուսակցության զինվորական կազմակերպությունների կանոնադրությունը, երկրային կոմիտեին կից պետք է բնարվեր զինվորական կուսակցական կազմակերպությունների երկրային ժամանակավոր բյուրո: Նույն այդ համագումարում պետք է առաջադրվեր Սահմանողի ժողովի բանակային թեկնածուների ցուցակը, որը իր հերթին պետք է հաստատվեր երկրային կոմիտեի կողմից:

Կորզանովի զեկուցմամբ, համագումարում մի շարք առիթներով նրա և բանակային այլ պատգամավորների ելույթներով փաստորեն ի մի էր բերվում բոլշևիկների գործունեությունը կովկասյան բանակում և նշվում էին նրա մերձավոր և ապագա խնդիրները: Այդ հիմքի վրա էլ համագումարը բնդունեց կով-

31 ՀՊՍՂ ՊԿԱ. Զ. 313, գ. 1, թ. 70:

32 «Կովկասիկի ռաբոչի», Ն. 169:

կասյան բանակին վերաբերող կարևոր որոշումները Դրանցից մեկը վերաբերում էր «Կովկասյան երկրամասի և ռազմաճակատի ՌԽԴՐԻ բոլշևիկյան զինվորական կազմակերպությունների կանոնադրության նախագծի» բնօրինակները: Սահմանվում էր, որ այդ նախագիծը ենթակա էր վերջնական բննարկման և հաստատման կուսակցական զինվորական կազմակերպությունների երկրային համագումարում:

Կանոնադրության նախագծի՝ «նպատակները և խնդիրները» բաժնում նշվում էր, որ բոլշևիկների կուսակցության զինվորական կազմակերպությունը համապարփաբար կազմակերպության մի մասը լինելով, իր առաջին և զլխավոր նպատակն է համարում՝ «զերպագրել և զյուզացիական շրավորությունից և բանվորներից կազմված զինվորական միջավայրում հեղափոխական սոցիալիզմի նույն սկզբունքների և դադափարների պրոպագանդումն ու տարածումը, հեղափոխական սոցիալ-դեմոկրատիայի տակտիկական լուրջներ, ծրագրային պահանջների պարզարանումը»³³: Մատնանշելով բանակին առավելապես հետաքրքրող կենսական հարցերի լուծման ուղիները, այն կապելով զինված ապստամբության հետ, նախագիծը գտնում էր, որ իմպերիալիստական պատերազմին կարելի է վերջ տալ միայն հեղափոխական ճանապարհով, որ «ազդարային հարցում արմատական ռեֆորմները մուսաստանում կարող են իրագործվել միայն բուրժուազիայի և կալվածատերերի դեմ պրոլետարիատի և զյուզացիական շրավորության նոր, ավելի վճռական գոտեմարտի պայմաններում»³⁴: Կարևոր տեղ էր հատկացվում էսենտալ-մենշևիկյան վարքագծի դեմ դեմահատմանը, նշվում էր, որ նրանց համաձայնողական, մանրբուրժուական տակտիկան լիովին ձախողվել է, և որ այդ կուսակցությունները փաստորեն բուրժուազիայի և կալվածատերերի ձեռքին պաշարի գործիք են դարձել՝ ընդդեմ պրոլետարիատի և զյուզական շրավորության: Իրա հետևանքն էր այն, որ «բանվորները, զինվորներն ու զյուզացիները արմատախիլ անելով պաշտպանողական էսենտների և մենշևիկների կուսակցությունների դավաճանական բողաքականությունը տարածված պատրանքները, մտնում են հեղափոխական պրոլետարական կուսակցության շարքերը»³⁵: Ժամանակի կարևորագույն խնդիրներից մեկն էր համարվում «հեղափոխության համար կազմակերպված ռազմական հենարանի ստեղծումը՝ կենսագործելու համար իր կողմից զրկված պահանջները ի շահ բանվորների և զյուզացիական շրավորության»³⁶:

Այսպիսի պարզ ու որոշակիորեն զրկված հարցադրումների առկայության պայմաններում անհասկանալի է, թե ինչու որոշ պատմաբաններ ճգնում են նվազեցնել կովկասյան բոլշևիկների երկրային առաջին համագումարի նշանակությունը, գրելով, թե իբրև համագումարը չէր պաշտպանում զինված ապստամբության դադափարը, չէր մշակում այն իրագործելու կոնկրետ ուղիները, ձեռնամուխ չէր լինում զինված ջոկատների ստեղծմանը և այլն³⁷: Միթե՞ բանակում ամուր բոլշևիկյան հենարանի ստեղծումը չէր նշանակում հեղափոխու-

³³ «Резолюции Кавказского Краевого съезда РСДРП (большевиков)», Рѣшѣна, 1917, էջ 12:

³⁴ նույն տեղում:

³⁵ նույն տեղում:

³⁶ նույն տեղում:

³⁷ Տե՛ս Ս. Վ. Յեբրյովա և, Նշված աշխատությունը, էջ 233:

թյան համար բազմական ուժի ստեղծում: Միանգամայն այլ հարց է՝ ստեղծված այդ ուժի ճիշտ, խելացի օգտագործման հարցը վճռական պահին, վճռական տեղում:

Նախագծի 2-րդ «Կանոնագրություն» բաժնում սահմանվում էր, որ զինվորական բոլշևիկյան կուսակցական կազմակերպության անգամ կարող էր լինել բանակում ծառայող յուրաքանչյուր ոք, ով ընդունում էր կուսակցության ծրագիրը, ենթարկվում էր նրա բոլոր որոշումներին, երկու կոմունիստների և քաշխավորությամբ մտնում էր կուսակցության կազմակերպություններից մեկի մեջ, մտնում էր անգամավճար: Զինվորական կազմակերպությունը իրեն չէր անջատում կուսակցությունից, այլ ենթարկվում էր ողջ կուսակցության ու երկրամասային կազմակերպության կանոնադրական պահանջներին:

Կովկասյան բոլշևիկների համագումարում բանակին վերաբերող երկրորդ կարևոր հարցը «Բանակում Սահմանադիր ժողովի ընտրություններին նախապատրաստվելու հարցի առիվ» բանաձևն էր³⁸:

Կովկասյան բանակում նախընտրական կամպանիայի ողջ պատասխանատվությունը համագումարը դնում էր զինվորական կազմակերպությունների երկրային ժամանակավոր բյուրոյի վրա: Բոլոր պորամասերում անհապաղ պետք է ստեղծվեին «կուսակցական ընտրական հանձնաժողովներ»: Նախընտրական կամպանիան և զինվորական կուսակցական կազմակերպությունների ստեղծման պրոցեսը դիտվում էր որպես մեկ միասնական երևույթի տարբեր կողմեր, որպես իրար հետ սերտորեն կապված հարցեր: Պահանջվում էր, որպեսզի պորամասերում, զրուժինաներում, բանակային հիմնարկներում կուսակցության բոլոր անդամները իսկույն զուրս գային մենշևիկ պաշտպանողականների հետ զործող միասնական կազմակերպություններից և կանոնադրության վերահիշյալ նախապծին համապատասխան ստեղծվեին ինքնուրույն բոլշևիկյան կազմակերպություններ՝ Զինվորական երկրային բյուրոյի ղեկավարությամբ: Համագումարը նախընտրական կամպանիայի ժամանակաշրջանում թույլատրում էր բոլոր միայն «ինտերնացիոնալիստական խմբերի և հոսանքների հետ... ելին այգպիսիք լինելին»³⁹:

Բանաձևը զինվորական կուսակցական կազմակերպությունների համագումարի խնդիրը համարում էր այդ կազմակերպությունների ստեղծումն ամբողջական և կազմակերպություններն ընդլայնելու հարցը: Հաշվի առնելով այն զրգվարությունները, որ հոկտեմբերի 17-ին նախատեսված այդ համագումարը կարող էր և չհրավիրվել, նշվում էր, որ նրա պատգամավորները կարող էին ՌՍԴԲԿ բոլշևիկների երկրային կոմիտեի հաստատմանը ներկայացնել Սահմանադիր ժողովի համար իրենց նախատեսած թեկնածուների ցուցակը: Բանաձևը մերկացնում էր էսեններին ու մենշևիկներին, մասնավորապես ղեկավար բոլշևիկյան մամուլի հալածանքը դադարեցնելու և բանակային հերթական համագումար հրավիրելու պահանջները: Այդ ամենը էսենտ-մենշևիկյան բանակային երկրային սովետի մերկացում էր նշանակում և ոչ թե ակնկալություն այն բանի, որ հեղափոխությանը բացահայտորեն դավաճանած, ռեակցիոն հրամանատարության հետ միաձուլված այդ սովետը կարող էր իրոր կատարել բոլշևիկների պահանջը: Այդ էր ապացուցում բանաձևի այն կետը, որ «Երկրային սովետի

³⁸ Տե՛ս «Редолнение Кавказского Краевого съезда РСДРП (6)», стр. 6-7.

³⁹ Նույն տեղում, էջ 6:

կողմից վերջին երկու պահանջների բավարարումից հրաժարվելու դեպքում դորամասերում կուսակցական կազմակերպությունները (բոլշևիկյան — Հ. Ս.) իսկույնեթ պետք է ագիտացիա մղեն բանակային համագումար հրավիրելու մասին, անկախ Երկրային սովետից»⁴⁰։ Անհրաժեշտ էր համարվում ագիտացիոն դասընթացներում զինվոր-կոմունիստների լայնորեն ընդգրկումը, նախընտրական կամպանիայի շրջանում գիտակից զինվորներին ագիտացիոն նպատակներով գյուղ ուղարկելու համար։

Կորգանովի ղեկուցմանը համապատասխան կազմված բանաձևը կուսակցական զինվորական կազմակերպությունների և նրանց անդամների կարևոր գործն էր համարում՝ «հենվելով բանակում գյուղացիական չքավորության լայն մասսաների վրա», վճռական պայքար մղել զինվորների քաղաքացիական իրավունքների ոտնահարման, ագիտացիայի սահմանափակման, բանակում բոլշևիկյանների ու նրանց մամուլի հալածանքի դեմ։ Հաշվի էր առնվում, որ լուսնությունները անխուսափելի կլինեն բոլշևիկյանների նկատմամբ, կուսիտ կերպով կխախտվի ընտրական կարգը, ուստի համագումարը բոլշևիկյաններին ու հեղափոխական զինվորներին զգոնություն, այդ կարգի երևույթների դեմ պայքարի էր կոչում։

Եթե նախընտրական կամպանիայի շրջանում բոլշևիկյանների ֆինանսական միջոցները չափազանց սուղ էին, ապա էսենների ու մենշևիկների համար իրենց ոսկու պարկերն էին բացում բուրժուազիան, ինչպես նաև պետական բանկը՝ բանակի հրամանատարության միջոցով։

Բանաձևը բխում էր կուսակցության VI համագումարի համապատասխան որոշումից, որտեղ Զախարիձեի առաջարկությամբ հատուկ կետ ընդունվեց, որպեսզի Կենտկոմին կից զինվորական կազմակերպությունը իսկույնեթ ձեռնամուխ լինի բանակում և մանավանդ ռազմաճակատում կուսակցության տանկիք նախընտրական աշխատանքների պլանի մշակմանը։

Երկրային համագումարում զինվորական հարցի առթիվ ընդունված որոշումները լիովին համապատասխանում էին զինված ապստամբության կուրս վերցրած կուսակցության VI համագումարի և ոգուն և ուղղակի որոշումներին։

Г. С. МЕЛИКЯН

ВОПРОСЫ РЕВОЛЮЦИОННОГО ДВИЖЕНИЯ В АРМИИ НА ПЕРВОМ КРАЕВОМ СЪЕЗДЕ КАВКАЗСКИХ БОЛШЕВИКОВ (ОКТАБРЬ 1917 г.)

Р е з ю м е

В период нового общереволюционного подъема, который начался после разгрома корниловщины, был созван Первый Краевой съезд большевиков Кавказа. Он сыграл огромную роль в сплочении и активизации революционных сил как на Кавказе, так и в Кавказской армии.

На съезде были представлены все основные центры Кавказского военного округа и фронта (Тифлис, Баку, Александрополь, Карс, Сары-

⁴⁰ Նույն տեղում, էջ 51։

камыш, Трапезунд, Елизаветополь, Туапсе, Екатеринодар, Батум, Шерифхане и др.).

Защищая курс Шестого съезда партии Краевой съезд обобщил результаты большевистской работы в армии после свержения царизма. Разобравшись в создавшейся обстановке, которая сложилась после разгрома корниловщины, наметил новые, принципиально важные задачи.

На съезде полностью была раскрыта контрреволюционная роль Краевого армейского Совета, который вместе с реакционным командованием старался задушить большевизм в армии.

Приняв решение о скорейшем созыве Второго армейского съезда, особое внимание съезд уделил подготовке и проведению предвыборной кампании Учредительного собрания в армии.

Было вынесено решение о немедленном создании большевистских организаций в войсковых частях и принят Проект Устава военно-партийных организаций, который должен был быть утвержден на предстоящем съезде военно-партийных организаций Кавказской армии.

Этим принципиально важным решением была исправлена грубая ошибка со времен Февральской революции, когда большевики Кавказа ошибочно подчинились решениям Первого армейско-эсеровского съезда (апрель-май 1917 г.) и упустили из рук создание военных большевистских организаций.